


AN SIT SOPIENDA  
QVÆ IAM FERVET  
IANSENISTARVM  
CONTROVERSIA,  
imposito vtrique parti  
filentio.



---

M. DC. LII.

ANNUAL REPORT

OF THE

INVESTIGATION

COMMISSION

ON THE

STATE

M. D. C. L.

*An sit sopienda quæ iam feruet Iansenistarum controuersia, imposito utrique parti silentio.*

**S**OPIENDAM aliqui putant, & utrique parti silentium imponendum : Primò, quia ita factum est in simili controuersia de auxiliis diuinæ gratiæ, quæ agitabatur inter Dominicanos & Iesuitas. Secundò, quia eâ ratione deferuescet calor ille quo pars utraque accenditur, & sedato contentionis studio, disputantium animi faciliùs ad concordiam reducentur; Addunt tertio, Iam satis prouisum esse per definitiones summorum Pontificum & sacrorum Conciliorum iampridem editas, & passim receptas ut nihil necesse sit aliquid insuper pronũciare.

Sed hæ rationes non concludunt; non prima, quia non est similis hæc controuersia controuersię de auxiliis. In illa enim disputabatur de rebus nondum decisıs, & ita disputabatur ut ipsa disputatione magis dubium fieret an & quid esset decidendum; & ideo facta est utrique parti copia suam tuendi sententiam, dum-

modo alteri ab altera nulla inureretur censura nota, quare non est verum quod assumitur impositum esse vtrique parti silentium, quin potius vtrique parti soluta lingua est: hoc autem fieri non potest in controuersia Ianseniana, quia iam est definitum in bulla Urbani Iansenium renouasse damnatas antea propositiones, quod est damnatam esse illius doctrinam. Idem factum est in censura Catechismi de Gratia, quæ nomine summi Pontificis concepta & promulgata declarat pariter in illo Catechismo contineri doctrinam antea damnatam: quo posito quis non videt permitti non posse ut quis tueatur & doceat quod Sancta Sedes damnauit ac vetuit? Nec posse ita conuenienter imponi silentium ut non liceat dicere damnatam esse doctrinam quam voluit per totam Ecclesiam intelligi esse damnatam. An volet ut supprimatur quod publicum esse iussit?

Secunda etiam ratio non concludit, quia calor eorum qui nolunt doctrinam damnatam in Concionibus, in Disputationibus, in libris editis propugnari, cum publico Pontificiæ authoritatis quæ illam damnauit contemptu, non debet deferuescere sed accendi, & calor eorum qui tantæ authoritati tam obstinatè resistunt non debet etiam deferuescere solum sed extin-



gui, nec alia potest expectari concordia quàm  
 ut isti omninò pareant, & ad eandem cum aliis  
 obedientiam fidei reducantur, negando quod  
 affirmant.

Denique nec tertia ratio concludit, quia pri-  
 mò cùm in censura iam facta non dicatur di-  
 stinctè quæ propositiones sint damnatæ, sed in  
 vniuersum tantùm multas esse damnatas, Iansen-  
 niani beneficio illius confusionis singulas de-  
 terminatè tuentur, dicentes hanc non esse dam-  
 natam, neque illam, neque illam; & ideò nisi  
 fiat aliqua determinata distinctio damnatarum  
 à non damnatis, atque aliqua factæ censuræ  
 applicatio ad propositiones ad quas cadere de-  
 bet, tota latæ iam sententiæ autoritas elude-  
 tur: præterea quamuis sufficiant quæ iam edita  
 sunt decreta docilibus animis, & bene disposit-  
 tis, non desunt tamen qui pertinaciter ea ne-  
 gant, vel tanquam subreptitia traducunt, aut  
 in alienos sensus detorquent; nec expedit ut  
 ferant illum suæ pertinaciæ fructum quòd im-  
 punè sinantur Ecclesiasticis sanctionibus con-  
 tradicere, nemine repugnante, possintque in  
 indicium approbationis trahere Iudicis silen-  
 tium, ipsorum resistantiam probè scientis &  
 super ea interpellati, nec tamen quicquam sta-  
 tuentis. Certè sicut in bene constituta Repu-

blica non sufficit latas esse leges, quibus crimina damnantur, sed requiritur insuper vt perseueret eadem potestas quæ leges tulit, tum ad eas si opus sit interpretandas, tum ad declarandum vtrùm ea facta quæ vocantur in iudicium sint illa ipsa quæ lex prohibet, sine qua declaratione penè inutiles essent omnes politicæ leges; ita in Ecclesiastico regimine visum est diuinæ prouidentia non sufficere ad conseruandam fidem & doctrinæ puritatem esse scriptas quasdam credendorum definitiones, sed relicta insuper est in Christi Vicario summa quædam authoritas, & viuæ perpetuaqueque infallibilis norma dirimendarum controuersiarum, quæ circa definitiones iam factas excitantur, eas scilicet applicando ad quæstionem de qua contenditur, & declarando num alterutram eius partem comprehendant, præsertim quando fideles ad ipsum recurrunt, & Oraculum consulunt. Ex altera parte non esse ita sopiendam controuersiam vt silentium imponatur vtrique parti, sed esse determinandum aliquid, nempe Iansenianas opiniones vel esse indifferentes, vel esse bonas, vel esse malas, probant primò ea quæ iam dicta sunt soluendo contrarias rationes.

Secundò probatur, quia tales sunt hæ pro-

positiones vt non sit moraliter possibile de iis  
 filere, certè non sine magno animorum detri-  
 mento; nam si dicere non liceat, verbi gratia,  
 possibilia esse Dei mandata, quomodo incre-  
 pabo peccatorem quasi per ipsum steterit, quo-  
 minus seruaret præcepta quæ transgressus est?  
 Si non licet dicere dari gratiam sufficientem,  
 quomodo erigam illum qui tentatur, & est in  
 periculo labendi, non promissa vel saltem sub  
 dubio promissa Dei assistentia? Quomodo etiam  
 eum qui bene coepit ad perseuerandum hortari  
 potero? Si non licet dicere voluntatem vtentis  
 libero arbitrio non adigi vlla necessitate, sed  
 habere optionem boni & mali, quomodo  
 quempiam excitabo ad prudentem de nego-  
 tiis quæ suscepturus est deliberationem, & po-  
 sita deliberatione ad eligendum quod melius  
 est? Si non licet dicere talem esse internam Dei  
 gratiam vt humana voluntas pro suo arbitrio  
 possit ei refragari vel obtemperare, quomodo  
 tuebor infallibilitatem Concilij Tridentini de-  
 finientis liberum arbitrium dissentire posse  
 Deo mouenti & excitanti? Addo, & quomo-  
 do tum ipse compungi potero, tum alios ad  
 compunctionem excitare, quòd Spiritui san-  
 cto restiterint? Quis enim gratiæ resistit quæ  
 totum semper suum effectum habuit? Si non



licet dicere pro quibus mortuus est Christus, quomodo finem Incarnationis explicabo; quomodo omnes excitabo ad illius amorem, si non potero dicere amatam ab illo omnium salutem; quomodo vocabo Salvatorem meum, & aliis ut ita vocent persuadebo, quamdiu nescio vtrum de salute mea cogitauerit? Quis non videt hac ratione Christianorum scriptis & sermonibus paræneticis & maximam & saluberrimam subtrahi materiam, & quota pars sacrorum librorum & sanctorum Patrum esset supprimenda, si lex illa silentij promulgaretur? Igitur sopienda quidem est controuersia, sed ita ut præmisso diligenti examine vel vtrique parti fiat libera loquendi potestas tanquam in re indifferenti, vel ei tantum quæ errare deprehensa fuerit, silentium imponatur, alteri facta libera loquendi & impugnandi copia.

Tertiò. Sed est impossibile ut vtrique parti fiat libera potestas loquendi tanquam in re indifferenti, quia iam Ecclesia oppignerata est, cum definierit multas ex Iansenianis propositionibus & damnatas & damnabiles esse, ac proinde huius controuersie materia non est amplius indifferens, & Ecclesia non potest dare liberam facultatem propugnandi quod ipsa damnauit.

Quartò.



9  
Quarto. cum censura iam lata  
dicat tantum multas ex jansenianis  
quod videtur supponere aliquas esse  
aut etiam multas quæ damnatæ non  
sunt, iam petitur a sede Apostolica  
ut distinguat damnatas a non dam-  
natis, et designantur saltem quinque  
de quibus petitur sintne, aut non sint dan-  
damnata. Non potest autem sancta sedes  
nolle respondere, quia hoc idem esset, ac  
si propositis in conuiuium multis ferculis,  
denuntiare aliqua veneno esse infecta, nec  
tamen cum possis velle dicere petentibus qua-  
nam illa sint.

Quinto multo minus expedit dene-  
gare responsum a sede Apostolica, si at-  
tendatur quinam illi sint qui petunt. Est  
enim Rex christianissimus, qui specialia  
super eare mandata dedit suo in vrbe-  
Oratori; Est serenissimus Rex Polonia  
qui quod in ipsius aula excitarentur hæc  
Contentiones, datus ad Em. Card. Vrsinum Po-  
lonia protectorem literis idem petit. Sunt  
plusquam octoginta Episcopi Gallie qui subs-  
cripserunt Epistola ad summum pontificem  
quæ hoc petitur, Est pars longe maxima  
Sorbonicorum Doctorum, ut constat ex

Literis Sindici Sorbonæ D. Haller, an  
 potest Ecclesia oraculum ad tot, et tales  
 Interrogationes esse mutum?

Sexto est etiam evidens responsionis  
 necessitas, ex illa divisione animorum, quan  
 hac contouersia produxit, quia minime agi-  
 tatur, vt alia pleraque apud theologos pro-  
 blematice, in quibus mutua contradictio non-  
 ludit charitatem, in hac schisma est manifes-  
 tum, Jansenius enim, et janseniani aperte di-  
 cunt pelagianam esse dissidentium doctrinam  
 hi è conuerso ipsorum potius esse erroneam  
 doctrinam, quod intelligant esse damnatam An  
 possunt dissimulare, vel dissidia huiusmodi tole-  
 rare illi ad quos pertinet procurare, actueri  
 vnitatem fidei, praesertim cum hac dissensione  
 laedantur Episcopi, Academia, Religiosa familiae  
 Ciuitates, populi.

Septimo quamuis minime dubia sit  
 Suprema Sanctae Sedis auctoritas, in defini-  
 dis doctrinae contouersis, expedit tamen non  
 praetermitti oportunas occasiones huiusce pos-  
 sessionis Confirmanda. Maxime vero insignis  
 est illa quae modo se offert, ubi et Reges, et Epis-  
 copi Galliae, et Sorbona ipsa hoc recursu tes-  
 tantur, quanti faciant Apostolicam Sedem  
 nec vllò expedire videtur omni denegatores—

responso ansam illis præberi cogitan-  
di, atque dicendi huc frustra recurri.

Octavo seu de Successu, seu de fu-  
tura animorum Submissione, cum lata-  
fuerit sententia non Dubitandum  
Sponder Christianissimus Rex suis in literis  
effecturum se ut pareatur, Episcopi qui  
ad hoc ipsum parati sunt, maiorem longe  
ac potiozem partem conficiunt Cleri Galli-  
cani, et illi pauci qui dissentiunt, nec tam  
malo sunt animo, nec tanta facultate, ut  
ut cogitare velint, aut etiam possint de  
facienda secessionem ab Ecclesia Roma-  
na, quin et ex parlamento ipso parisi-  
ensi situm est præcipua capita, et dixisse,  
et ad summum pontificem referri voluisse  
non defuturam obedientiam si præscribat  
quid sentiedum sit. Est etiam ut dixi-  
longe maior ac potior Sorbonæ pars, quæ  
huiusmodi definitionem auidè expectat  
nec quidquam vehementius optat, quam  
hac authoritate confirmari ad resisten-  
dum Jansenismo.

Hanc esse causam Thomist. et Jesuitar. qui  
dicunt errant toto orbe, nihil proponit S. pontifex  
de quo fuerit contentio inter duos illos ordines, ni-  
hil quod non sit inter ambas familias communi  
Consensu constitutum.

LIBRERIA  
BIBLIOTECA NAZIONALE  
ROMA  
GIORGIO EMANUELE



